





大雅集



客有賴良氏來謁予比者寮致其請曰昔山谷老人在
 州歎曰安得一奇士有力者盡刻杜公東西川及夔州
 詩使大雅之音復盈三巴之耳有楊生素者任之刻在
 作堂因以大雅名之先生鈇雅詩雖已徧傳海內而兵
 變諸作人未識者有之識其詩付有力者刻之亦使大
 雅之音盈于三吳之耳不亦可乎余曰東南詩人隱而
 未白者不少也吾詩不必傳請傳隱而未白者于是去
 游吳越間採諸詩于未傳者得凡若干人詩凡若干首

將梓以行來徵集名吁良亦奇士哉偉其志而為之出力
以鋟者則淞士夫謝履齋氏余因以山谷語名之曰大
雅集蓋良以待我而我以待諸公庶入是集者皆可以
續杜之後而或有憚為者不入也良曰然書諸集為叙
至正辛丑三秋日丙午鐵雅道人楊維禎書

大雅集叙

古者天子巡狩命太史陳詩以觀民風蓋將以採民生
之休戚以知王政之得失此周人所以不能已于采詩
之官也故觀民風而必採詩以陳者民之情因言以宣
猶物因風之動以有聲也則詩志之所存情之所感而
言之所從以出者乎但上之化下也有淑慝之分則下
之報上也其美刺之別然發乎情止乎禮義樂而不淫
哀而不傷雖刺也主文而譎諫言之者足以戒此詩人
忠厚之至也然則周人所以采之者不以言出于情之

真乎由是知古之人以情為詩而其言莫不麗以則後之人則以詩為情而言不出于情有矣况麗而有不則者哉古之詩多出于民之心後之詩多出于士之筆雅頌之作固能之而風或不之及蓋心匪鬱伊而寫言幽思者非之情真也惟中心感發者然後足以吟詠其性情耳故後世雖有采詩者寔難其人焉然有慷慨以鼓其氣磊落以驅其才若杜少陵輩則不能無風雅之作耳若此者雖微采詩之官識者能采之矣天台賴先生善卿以以三十年之功不憚駕風濤犯雨雪冒炎暑以采江南

北詩人之詩言采也公矣情深而不詭則采之風青而不雜則采之事信而不誕則采之義真而不回則采之體約而不蕪則采之詞麗而不淫則采之而未始有不關於世教者吁亦勤矣哉非其學博而守約得詩人之真趣者不能造斯域也會稽楊銜厓先生批評而序之命篇曰大雅集而友人盧仲莊氏手為之鏤梓既版行學者莫不購之以為執式焉他日有采詩之官者出其必將來卿之所采以進于上矣於是乎序時至正壬寅春吳興錢高在雲間之水南山北寫

昭明文選初集至一千餘卷後去取不能十一今所
存者三十卷耳三十卷中尚有可汰者選之難精也
如此良選詩至二千餘首鐵雅先生所留者僅存三
百古人以詩名世或一聯一句不為少也而有擅雄
作則大篇長什又不厭其多也故今所刊者或一人
一詩或一人數十詩蓋不以多寡較也天台顧良白

大雅集卷一目錄

李孝先

箕山操和鐵厓先生首唱

題太乙蓮舟圖

項炯

公莫舞

吳宮怨

夏溥

鳴門歌



吳山謠和鐵厓首唱

楚人弓

國馬足

陳推

夜闌曲

七夕詞

瑤臺月

海人謠

出塞曲

雁來紅

長安有狹斜行

張雨

玉笙謠

延陵公承慶堂詩

天池石壁

悼薛元卿

奔月卮歌

王逢

婦董行

銀瓶小姐辭

留睿

思親行

寄遠

代遠人答

袁歲用

春雨嘆

袁舉

乙巳寒食

舟過三江口

大雅集卷一日錄

大雅集卷之一

元 天台賴 良善卿編輯

李孝先 字季和號五峰永嘉人

箕山搦和鐵雅先生首唱

箕山之陽兮其木樛、箕山之冢兮白雲幽、彼世之人予孰能遺我以憂維從我兮其路無曲朝有人兮來飲我牛、

評曰善作琴操然後能作古樂府和余操者李季和和為最其次夏大志也附鐵厓先生首唱曰箕之山兮

可耕而樵叶因箕之水兮可飲而遊牽牛何來兮飲
我土流彼以天下讓兮我以之遊叶枝世豈無光兮
應堯之求吾與堯友兮不與堯憂

題太乙蓮舟圖

銀河跨西海秋至天為白一片芙蓉洗出明月魄太
乙真人挾兩龍腕中大笑眠其中鳳麟洲西與天通扶
桑乃在碧海東手把綠雲有兩重掣鬪二鳥開金籠

評曰此作又是李騎鯨也孰謂此老樵鈍無爽氣耶

二鳥作日月看

項炯字可立天台人

公莫舞

龍蟠錦帳金奕奕虎旗無際人馬主肉林垂益陵阜赤
萬甕行酒晴虹濕大蛇中断狂魄滅重瞳無光射寶玦
雷憤風愁三尺鉄河山未必如瓜裂老碎珥語公莫
頭上青天懸日月

評曰錦囊子有奇語無此奇氣

吳宮怨

繡榻洒黃粉椒壁漲紅青倚簷樹如鬼深蛇夜鳴觸髀

已無泪古恨埋草石局

評曰十字惜過牛鬼觸髅無泪尤勝無語

夏溥字大志號虎怕道人淳安人

鴻門歌

大風揚兮赤雲屯楚人望氣皆龍文當時我甚嘆亞夫
幸至彭城疽背死誰云沐猴竟遭烹汝乃嘆孺子

嗟哉拔山之力不可得扶義而西取天下者以三尺君

看項王重瞳舜童瞳天命乃在隆準公

吳山謠和鉄屋首唱

中吳過江笑諸人二十三表哀老臣倡和國事可斬繪

馬上青衣竟何在采石未請瓜州驚戰功今乃歸儒生

第一峯前誰立馬夜箭射血未帳下

評曰二作不用二李別有一種史斷附鉄屋首唱曰

中原四日一日東、山草木無金風良精重起大小

嶽此是趙家第一峯天柱地裂維缺老檜

陸居仁字宅之号雲松野褐雲間人

楚人弓

楚人弓懸兩石五十萬矢陷強敵絳人弓箭三隻長歌

入關成偉績多箭不如少箭力制敵若在弓矢間鳴條
牧野高于山

評曰史斷入詩箴警多矣

國馬足

國馬足言行五十轡如沃天馬足一日千里更神速國
馬天閑飽芻粟太行鹽車天馬歎

評曰自托可悲短句而意無窮

陳樵

字君采著書曰
庶皮子東陽人

夜闌曲

碧字星回夜漫、靈蕪烟煖重薰存冷翠香銷青桂枝
冰荷盃光、透惟花樓夜舞金菱鞋吳美蜀酒精瓊糜
酒闌半解龍銷衣春朝曲渚聞鷓鴣

七夕詞

為人拜月金鋪戶鳳宿梧枝金葉下露華入袂玉增寒
織署錦工催祭杼月下金細照骨明同心絲稔紅生綉
素瓜碧寔上繒樓夜聞聽馭下銀州

瑤臺月

銀河西流鳥接翼回首人間化為碧瑤臺月裡可胡避

三郎錯落歸魚鳧寬裳月裡親偷得又怪李暮偷摩笛
海人謠

海南蠻奴髮垂耳朝採寶丹涯裡夜光盈尺出飛魚
栢葉珠寒蕊幽箔連錢生綠花切玉蠻刀如切水丸
澤未朝萬里天北風不動浪玕死

出塞曲 為成潼關
李德裕賦

屬縷夜啼光屬地將軍一出揔槍死行塵不動人歸市
帶甲如雲自天至取君甲兵為君洗分明神裡有銀河
手中遺下沉一丸不封函谷封太山

雁未紅

東朝一書成百戰上林一書旌節返又傳驕子一函書
人不知禽解邊難自從燕噉秦晉正是非直到室中雁
蘇郎寒絕雁未江脚下胡姬殘綵線願燕在北秦在西
雁去雁來無是非

長安有狹斜行 此題行

長安出狹斜方駕秦中客云是牛家丞相來自薄家宅
萬戶朱門映椒壁長秋車馬來賓客御瑤席金屋貯尹
刑阿嬌淚霑臆燕慵來妝繁華照春色轉蕙光風翻

趙帶徘徊月到班姬牀
班姬轂芳翰紈扇送風揚
明妃關百草玉環御雲裝
向來溫柔地盡入白雲鄉
何以奉明王孫琵琶隨
騎驢何以奉燕一罷舞歌
慷慨何以奉明妃綠珠奏
清商嫫母扶無監搔頭愛
宮粧

評曰襲格不襲語善學小
李者雁來紅狹斜行匠意

尤遠

張雨字伯雨号句曲外史錢塘

玉笙謠為鉄門笙伶周奇賦

我有紫霞想愛聞白玉笙
懸壺比竹無靈氣昆丘採此

十二莖鳳味啣明珠鳳翼排素翎
金華周郎妙宮徵子晉仙人初教成
月下吹參差群離雜亦和鳴
維氏山頭白雲起七月七日來相迎
長謝時人一揮手飄下滿空
鸞鶴聲

評曰甚似太白

延陵公承慶堂詩

大江蒼々元龍席輔元之家
百神頤望拜受釐若稽古
太清真人闕衆甫新宮潔齋
奠天語紆雲郁霞錯承宇
虛皇穆然陽衛武左颺右徽
降軫羽懸鐘鏜一迅擊鼓

赤令祭服頽朱戶雙珠月明帶宝璐
扶以流黃玉櫪具
既竣大祀私事舉吉日宗族奉爵俎青紫
地簪纓組
魏張代釗新捧土饒國開觀治宿莽報君親
師物咸覩
撫已一念或未溥而壁考書玄乾府寒冰層陰發春煦
日幽若明沐仁而道德大非方仙五月佩六印非適取
持施多趣迹旁午下土澤塹寧久處天閑會規足蹈矩
願天願地多忝檢畢意歷年奉明主小史作詩孰敢
侮吁嗟厚薄者之祖

評曰不蹈黃庭之句而意森滿

天池石壁

為鉄雅賦

倪瓚畫

嘗讀枕中記華山閨中吳神泉發其顛青壁繚其隅春
風四山來群綠互絲扶羽觴曲行折浮花與之俱採珠
攀薜荔洗玉弄芙蓉聲斐頗好名石窪作魚湖鴻乙志
草堂桃烟逐成圖而此滌煩磯浣世如桴蒲發興雲林
子盥手我與暮居然縮地法挈入壺公壺

悼薛元卿

元卿雖再得木是餐霞人高懷獨超物洞鑿亦絕倫君
自海東我吳下早歲聯翩待金馬御榻賜書凡一柬仙

苑偷桃動盈把紫虛元君之玉訣青城先生教我者感
君多道氣採懷為君寫舉士承旨平原公許我與君揚
許同一時標名兩外史羽衣白茅立下風我還句典世
餘載君乘輜軒歷烟海歸錦橋四結草樓、下被袂長
相待夙姻山水共追尋福臨洞口話離心年深書字化
為碧白首蒼茫成古今聖井山崩數千尺君從群龍去
無迹因損鹽車條嶺頭此日思君復何益

奔月卮歌

荅鉄厓作

甕社明珠奔八月脫殼正是風潔蟬漁網出之不敢視

滌盡杏花光不滅文昌四星吞在腹一二金晶大如栗

蜃物還來作飲器日夜

茅屋一扇桃核寬有餘

半葉蕉心卷未舒飲非其人躍如水怪而盲風生坐隅
置之天上白玉盤斗柄挹酒長瀾干李白跳下鯨魚背
持勸我飲相交惟幽官馮夷為予注酌尽海水百怪在
還我平生老蚌胎許君醉卧人室

王逢

字原吉号蓆帽
山人江陰人

婦董行

婦董滕人錙進妻也與兄順並以勇稱金李山

東大亂天兵駐嶧山進車騎覘之中流矢死順
徙家淮南舉室溺死淮董為安撫裨將所獲

北軍南軍和議時兩起對立龍鸞旗星辰錯起亂風雲
氣乾坤造就冰雪安渾家性命葬魚腹一舸涕洟隨鴟
夷長眠自足為義鬼死後只望全孤兒、在腹中兵在
目憶夫心頭臂消肉岱宗誰縷玉白牒汴州眾撼黃金
屋太尉遙歸明主死安撫猶在寡妻宿羞看人面問消
息強通強笑寬羈束伯順見義勇着鞭銳士裡足鋒爭
先道傍勞伏荆棘底掌上珠還江海邊將門有後傳世

世墓祭無所從年、中原山河想如故日斷一點滕州
烟

銀瓶小姐辭

宋岳王之女聞鄂王被收負銀瓶投井死

碧梧月落烏号霜寒泉幽凝金井床倚疏光流大星白
夢驚万里長城亡女郎報父救國匍匐將身贖無所
官家聖明如漢主妾心媿死緹縈女并臨交衢下通海
海枯衢遷井不改銀瓶同沉意有在萬歲千秋露神彩
魂今歸來風脩然趙陵無樹容啼鵲阿爹墓木西湖邊

留睿字君愚

思親行寄弟子通

今年八月來作客出門倏忽已几日自從二十走湖海
零落天涯幾岑寂幾岑寂重悲歎親在高堂望子還子
在長途衣亦單唯擬明年作官食君祿歸來共汝舞袖
紅編彌天日之山去山不盈尺使我登之徘徊望鄉國
吁嗟何不生羽翼吁嗟何不生羽翼

寄遠

征夫徃幽燕賤妾住吳越
參商二十載綠鬢生華髮年

年望飛鴻日新愁不歇
秋盡冬復春葉落花更發恨君
願妾身不知天上月
行幾万里東出復西沒又東出
夜光夜光頻照妾
容漫叱花君情遽如葉念欲走從
君河廣詎可涉燕趙多美人
顏色皎如雪所樂在新知
誰復念離別雲性本飄蕩
雪質易虧缺何如賤妾心不
轉堅如鉄君看望夫石
千載名不滅

代遠人答

憶昔發江南與君生別離
臨當上馬時屬君兩男兒
幼兒在襁抱長兒能歌詩
功名豈可必三載以為期
君時

聞我言感額双蛾眉一去數千里各在天一涯塞北望
江南憶君、不知目送南征鴻遠寄長想思想思心不
絕絲、如藕絲蹉跎二十秋日月互推移三載約會面
斯言遂成欺前年離燕山遠行到月氏途中天雨雪寒
風裂我肌六月陰山道猶復衣羊皮馬上多胡姬顏色
如燕脂為君不忍覩君何自狐疑雕鞍駕朱輪行當似
蘇秦千金會舊友椎牛會眾親莫學會稽婦容易輕買
臣

袁藏用

字顯仁
古汴人

春雨嘆

天陰、雨多晝雨輕薄陌頭花無數成塵上明朝蕭颯
陰風寒祇恐摧折青琅玕山中嫩人看相倚泪濕翠袖
時難乾

袁舉

字仲徵号浮
游生江陰人

乙巳寒食

香風吹面東方来櫻桃花發柳眼開鳶箫声歇幽蘭笑
十二樓前青爵叫玉女騎龍愁暮雲碧桃過眼三千春
北山加城久無主寒食新摧淚如雨自驚薄髮不勝梳

心事披搖為誰語

舟過三江口

吳淞合流三百里一幅蒲帆掛春水
繞船黃鳥啼盤迴
如在巴渝裡沙上游龍滴血紅
風吹老魚浪花起凝雲
不流神姬哭萬古昏魂招不復
客浩歌誰相續淒遲零
落漸離筑思家何處問津迷
鷓鴣聲裡垂楊綠

大雅集卷之一終

大雅集卷二目錄

孫華

池中白蓮

錢維善

折楊柳

洛陽陌

錨堪

擬古

鄭基

白苧詞

王逢

費夫人

趙氏二女詞

鄧梓

錦雉圖歌

徐士榮

新街曲

李復

弔烈婦

周之翰

送馬秋野千戶出征淮西

阮拱辰

白露引并序

雷擊蛇并序

張樞

將軍歌

釋继善

大雪行

釋必才

即事二首

無題二首

沈存

懷友人俞伯貞

盧昇

啄木吟

新娘娘

范立

遠游篇

賦三色梅花

月夜調琴

瞿智

從軍行

徐孝基

見群龍歌

陸居仁

古意二首

大雅集卷二目錄

大雅集卷之二

孫華

字元實號果育
老人華亭人

地中白蓮

元

天台賴

良善卿編輯

蕊宮夜涼張暑宴仙妹散花水晶殿霞綃中單雲錦綠
黃金為房玉為鈿翠旌導前寶蓋寬囊中序按未遍
一人表衣持羽扇頎然中立白玉弁群妹被酒酡發面
冠珮傾然醉相盻彼我弁者色不變以口承露不宿嚙
終然貞白難自存獨向西風挹清怨

錢維善 字思復號曲江居士錢塘人

折楊柳

何處好楊柳
板條送遠行
花飛渡江水
客醉踏歌聲
秋色悽榆塞
春陰接鳳城
一株不敢折
為近亞夫營

洛陽陌

驅車洛陽陌
周道何逶迤
玉帛走侯甸
金湯固城池
潘令好桃李
阮生多路岐
銅駝卧荆棘
索靖獨先知

鎬堪 字子輿嘉禾人

擬古

千金買明珠
百宝裝帶鈎
宝帶館同心
明珠垂兩頭
美人結新歡
託体相繆綢
再拜稱王寿
持以奉千秋

鄭基 字本初三山人

白苧詞送謝叔久

征鴻至征旆
舉花發芙蓉
滿江渚吳姬
約雲歌白苧
凝朝雲向君
舞牽絲鳴玉
張宴遲稱觴
聽曲心自怡
君之外會有期

王逢 見前

費夫人

夫人姓費氏諱元琇江陰卅知事朱道存妻也
青賞花白蒲水黃雲日黯慘風悲涼亭驢西向三酌觴
旂旌葆幢來渾茫若有人兮凜如霜星流電馳惟可望
微言宿習大洞章功名拔宅居帝鄉鵲河蟾窟肆翱翔
援北挹斗酒漿帝白欽哉無太康下馬濁世扶綱常
進規退矩礼自防釵荆裙布即孟光尊姑養之植德堂
朱氏堂名 堂階珠樹聯瑤芳明璫蒼珮森琳琅過鐘考
鼓樂未央楚氣遮天耀天狼飄然歸寧父母傍正坐添
屋憂葵傷官兵寇我如劍銘旻天倚杵海變桑身有濺

血無回腸稽首再拜泪如滂輾焉直上駮鸞皇

趙氏二女詞

女山陰游鯉山人至正十二年冬寇至懼辱投
溪水中死

游鯉山高孱頽游鯉溪水清洄灣中有我、青髻鬟望
如春雲不可攀壬辰仲冬寇蠶起乳晁將軍先披靡民
人顛連社稷圮我固當為貞曰鬼後來小妹復被驅亦
葬魚腹全其軀山高水清幾千年虹月夜貫摩尼珠夜
深鮫官屏機杼風吹莫寒觸髀語何由生長江沱間及

見玉雕鼓雙翼願回堯天行化日女子有家男有室地
下甘心燈似漆

鄧梓 字文君
江西人

錦雉圖歌

錦衣綉翼何揚揚，棠梨花開春而香。雌雄並立久未翔，
咫尺或是山之梁。林深枳棘如人長，摩挲竹枝思鳳凰。

徐士榮 字仁則
號五雲
先生
章安人

新街曲

東街南曲聲婉揚，西街北曲聲激昂。佳人唱不下樓，

下白馬音絲韉，昨日擊鼉鼓。今夜合席調絲簧，樂聲亦
似曲。聲雜人意豈如物，意長祇恐樓上人。春光不長
好寧知馬上郎，金壁非重宝。向來思愛江水深，一旦殘

花與哀草

李復 字道原
號菊莊
老人
寧海人

弔烈婦

烈嬪身可戮，烈婦之身不可辱。十年夫婦征役遠，夜
青燈伴幽獨。豈期淪落兵戈林，長鎗列戟森如竹。將軍
手办秋霜肅，烈嬪怒視不轉日。不廿一死無生還，烈火

何曾燬真玉妾心匪石不可轉妾心匪席不可捲捐軀
念欲赴江流回首不堪江水遠誓將貞白婦黃泉為冢
偷生求苟免若將顏色與他人為誰終身懷愧醜貞魂
願逐劍光飛妾今視死犹如婦人生天地誰無死一死
日月爭光輝我哀烈嬭歌此曲萬古清聲動澆浴烈夫
嬭絕勝烈丈夫丈夫臨難猶畏縮惧死多忘食君祿回
相烈婦徒慙恧

周之翰

字中甫
雲間人

送馬秋野千戶出征淮西

霜原晶、秋草哀西風烈、吹大旗酒酣仰天數過雁
落日滿地青山低時難不作昇平夢半夜困龍匣中動
此行乘雪蔡州平書生擬獻平淮頌

阮拱辰

天台人

白露引并序

至正己亥夏大旱至八月六日天氣鬱蒸雲勃
怒起衆謂是日為白露節是日而苗秀且實言
已震雷而降民相顧悲咨若不能生者噫世之
顛連困吾莫以求活于人者安知其非白露而

也作白露篇以頌兩師

白露而民無辜小民憂旱籲且呼三月望汝眼欲枯汝
來今日何為乎不為我祥覆為我殃害我田穰甚于螟
蝗嗟尔兩師兮罪不可量上天愍下兮仁德孔彰願挾
汝兮訴帝傍臬汝首剗汝暘祈豐年吾兩暘坐見赤子
歌樂康嗟尔兩師兮雖死其誰汝傷

雷擊地 并序

至正辛丑夏予自飄湖南放舟絕湖口而北時
雲日晝晦天西北有龍蜿蜒下垂雷怒若擊物

狀舟人曰是龍下取水兩且暴至乃泊舟別渚
見有蛇當傍近地長可十尺許俯首不敢動舟
人迫而視之蛇且死矣予竊意是蛇從間出草
莽中搖尾肆毒使不過真龍在天則為害有不
可勝言者雷之擊蛇者有以哉因喜而賦曰
維龍其神為雨為雲以利我耕耘以育我下民彼蛇非
仁雷其震

彼蟲之毒維蛇與蝮以嚙我草木以傾我陵谷維龍勿
伏蛇勿育

張樞 字夢辰号書巢生陳留人

將軍歌

將軍走馬沙草場
猱龍蝶躐鷹飛揚
狡兔之窟四顧無
藏置量如雲箭如雨
滿眼禍机寧晚此
將軍一日歡且
直百兔死君不見
李斯非相材上蔡
東門游獵子

釋繼善 字絕宗會稽人

大雪行

冬十二月歲庚午
江南雪深一尺許
衾綢斗粟何處尋
凍死飢民不開戶
妻啼兒号面西東
天高聽卑欲誰訴

去年一極旱大赤
今年一極大雨注
官倉私廩空虛例
蒼生何以守環堵
西北風塵未盡消
道路豺狼又含怒
明年菽麥縱連
揮涕無從扣箕禹
凭誰寄與東諸侯
恤民有道無輕舉
君不見當時柔大夫
慘刻祇取身滅
誅又不見只今曹
黃須擢髮數罪憐
渠愚

釋必才 字大用天台人

即事二首

負部有田多不種
熟軍收要民送
明年誰復事犁鋤
卒歲渾家受饑凍
忍饑受凍可奈何
真須檢刮焚其窠

去學短衣帶刀箭倒刮他家養良賤

其二

泗水倉教飲鼠雀官有舟車難運取蠅屯蝗急要糧
巨室大寺遭鞭楚捧上懸知難塞河檢家掠路傷民多
分兵兼程走其下就倉食粟如之何

無題二首

飢虎狂咆奔城市急走閉門驚未已有人直欲擬其牙
斃之視若刑犬耳如此英雄世豈無位沉下僚困屠沽
諸方噬人足狼虎袖手待殪將安圖

其二

西家酒美門惡犬味薄遣沽就多
在東積錢難用翻愁
索瓔誰斃却西家犬兩壚吹香
過客便不愁東遭風雨
乾到門自挈空壺轉

沈存字官堂
雲間人

懷友人俞伯貞

去年秋風捲黃埃美人躍馬沙邊
來今年秋雨白日
美人遠上黃金臺黃金臺下燕山道
漠漠寒雲接哀草
鴈飛不斷青天長、使征人路傍
老美人美人胡不歸

清霜凋盡珊瑚枝
臨風三嘆思欲絕
悲莫悲兮生別離
盧昇字廷舉高唐人

咏木吟

咏木咏木穿林藪
汝非攫肉又不啄粟
便咏蠹蟲便尔欲樹枯
不復榮蠹死還再生
汝能食蠹不再生我素
天子褒汝繡衣使者之加名
免死蠹木為薪蒸

新娘娘

新娘調羹湯
小姑娘繡衣裳
新婦不停手
小姑娘不下床
新婦語小姑娘
爾亦不自量
爾年二八餘
寧久阿母傍
請再

綉針底文彩
窈窕鴛鴦春風
一朝起持贈
畫蛾即爾始
別我去如我事
姑娘

范五

字叔中
錢塘人

遠游篇

仙人手把金芙蓉
邀我上涉蓮花峰
雨眼注入滄溟東
浮雲遮斷扶桑宮
白日西飛恐成晚
架天五色橫長虹
鳳凰儀羽脩玲彩
欲集不集無梧桐
冥香晚羅網
亦有數點南飛鴻
怒鯨崔嵬鼓鱗鬣
浪中瑣屑多沙虫
從今喚起人中龍
披虎豹謁九重
舞干羽息武功
泰和

世上皆春風是時勒名留鼎鐘左招黃綺右赤松長歌
歸去來山中

賦三色梅花

姑射肌膚白于雪夜出瑤臺看明月羅浮仙人醉臉丹
笑跨彩鸞下銀闌相逢同過金母家金母小玉名陵華
一色羅衫染蜜褐仍帶綠囊盛紫霞珊瑚鈞起真珠箔
玉笛吹殘風色惡群仙俱怨老容華班班淚向鮫綃落

月夜調琴

橫琴獨坐花間月天地永壺夜清澈鳳凰棲老碧琅玕

蹋碎瓊瑤六花雪斯須化作蒼龍吟風生太嶽秋陰
有美人兮隔雲漢調高奈我相思心

翟智 字惠天
崑山人

後軍行

年少去後軍妻兒生死分弓開孤月影劍遍七星文解
識風雲氣能穿虎豹群不將身許國何以樹功勛破敵
三營外城頭日欲低舉烽連磧遠戰氣接雲齊旗幟驚
鳥起饒箭雜馬嘶祇愁千里月少嬾正悲啼

徐孝基 字五本
章安人

見群龍歌

元黑崔嵬半室黑大龍蜿蜒小龍直天瓢倒瀉銀河懸
海氣空濛海波立頃臬復有三四龍威稜氣勢如群雄
雷公擊鼓玉女笑飛烟烈焰飄長風維時一陰擬下土
六龍在天起坤戶陽剝奮無停機久旱終當沛甘雨
我方扁舟湖上行見之頓覺双眼明茫茫真宰不可詰
乃知神物能通靈君不見葉公好龍妙圖畫一朝忽有
真龍下可憐辟易走且驚不識真龍足悲咤

陸居仁

古意二首

采蓮多芳草種豈雜艾蒿馬齒似蕙根魚腸渾鉛刀舉
世方好竿錦瑟誰將搯已矣屠龍技終身徒自勞

其二

王孫玉抵鵲公子金抵蛙夜光投暗室綠耳困鹽車
燕石錦十襲楚璞刑再加哲哉待賈翁懷寶無嘆嗟

大雅集卷之二終

大雅集卷之二終

大雅集卷三日錄

李坦之

李太白酒樓歌

山中苦寒歌

悲戰士歌

李哲

韓之廬

孫華

商人婦

揚基

黃鶴生

董佐才

題考功掾金華范景淳風木園

方寸鐵為盧仲章賦

董紀

短歌行

紀亭

張樞

生日自責

高啟

明妃曲

秋江曲

劉原俊

過歌風臺

安將軍歌

朱堂

老婢歌

萬權

兄入甕

母提刀

釋仁叔

関山月

沈禮

題蘓小墓

釋行方

顧玉山草堂席上寓興

董佐才

青藜杖

俞鎬

擬古四首

顧或

塞上曲

刈菅

余詮

春夢軒

袁凱

蚊

吳哲

題西省掾王繼善望雲圖

過裏洋河

雪夜有懷范玉崖叔中朱滄洲孟辨作

寄閩中兄子昭

王逢

題曹煥章松筠軒

大雅集卷之三

元 天台賴 良善卿編輯

李坦之

李太白酒樓歌

漂陽酒樓春水涯白也繫馬樓東家千金醉盡不復惜
猶吹玉笛引吳娃日斜樓外春風起春愁滿眼楊花裡
高歌一曲下樓去遍傳江南數千里錦袍綠水迷蹤跡
落日空梁焰顏色江頭盡日不見人樓上幾年無此客
倚欄仰看西飛雲如何不飲憂其身只今寂寞千秋後

誰耐采石江邊坂

山中苦寒歌

深山苦寒勿可居門前積雪三尺餘陰崖一夜石蛇骨
溜滿万尾水垂鬚道人卧凍山之麓莫熟松明煮溪綠
山陰孤棹期不來夢入幽岩聞折竹征西將軍持短兵
馳馬夜渡黃河水閩東諸將向欲裂巖光抽釣桐江雲

悲戰士歌

吾聞上古無為天下治兵車首自軒轅氏湯武爭王起
征伐秦保山東乃稱帝亂世英雄刀排主四海生靈血

塗地中原落木風颼颼一度興亡一度秋乾坤百戰日
月黑太華不動黃河流玉關旌旗太白王師万里開
絕域春風州綠師未還鉄箭飛書聞消息功名不顧万
戶侯富貴不顧千金裘但願朝廷有道烽燧息結屋深
山看青壁

李哲 字公毅号耕雲前進士

韓之廬

韓之廬猛絕世所無利口疾足逢時需黍以糠米飼以
餘感激意氣力心輸平原八月秋草枯呼嗾詭遇當前

馳東鄙之魏衣褐徒食邑外地承其初尔祖于戍封時
俱不侵不暴穴以居尔穷其啼禽焉俘尽室累々恣所
屠逞心得高名欲沽北山有楔榆南山有于兔大為民
害尔弗除闻其腥臊妥尾逋触邪既無獬豸得仁厚又
不慕騶虞畏强臨弱心何心上天好生尔好殺送天罔
道天必誅一朝惡積殘其軀形骸狼藉磔路隅傍人不
恤掩鼻趨有孀其雌哭呱々百歎率舞鎗々呼

孫華

字文子貞至驛為松江諸色曰粮事賦古詩贈之

朝行谷水東暮行谷水西谷水日々流驛舟日々來驛
舟日々來不已波浪日々起朝行谷水西暮行谷水東
傍人指驛舟二中有春風春風吹谷始見桃与李

商人婦

妾年將及笄嫁与東家兒東家兒販江西夫婦五年
三別離江西娼家花滿溪不知今年歸不歸春來还為
作春夜滿院楊花双燕飛

楊基 字孟載蜀人

黃鶴生

君不見眉山道士五佐卿化為黃鶴朝太清還君金僕
姑留得十載名又不聞穹窿小仙徐子貞翩然自稱黃
鶴生鍊形蓬萊山鳳臆紫燕膺子有六百年飛上白玉
京白玉京錦貝闕十二樓五城娟娟萬青娥吹笙來相
迎黃鶴生骨相奇金衣元霜裙纖指而洪髀不飲華池
漿不啄青田芝恥彼五色鳥覽德輝下之浮丘不能招
八公不敢騎飄然送西來不使上帝知帝遣紫帟元君
魏夫人夜乘白鶴來相送琅霄頃刻九万里追之不及
鸞聲悲黃鶴生請箱留爾為黃鶴舞我為黃鶴謳便須

吹玉簫登爾黃鶴樓、高几百尺見三島十洲瓊珠金
光草銖網珊瑚釣樓今已搥碎瓦礫三千秋黃鶴生孰
與儀母乘腰纏入扶搖上揚州揚州瓊花已枯死仙人
不復來追遊黃鶴生鉗尔口毋啣紫泥書寄與西王母
王母見尔笑起小垂手黃鶴生來尔吹崑崙十二峯朵
朵芙蓉青上有雙羽箭金鏃孔翠翎為我取之射此天
狼星坐令談笑向四海烟塵清尔亦策尔勛我為尔勒
銘更呼薛少保罔尔雲台形黃鶴不肯顧長呼倬頭公
路逢鉄危君疊疊道其故危君功不止竟触危君怒手

挽黃鶴衣不敢去飛遠三華樹夜深危居睡不醒黃鶴
高飛不知處

董佐才字良用

題考功椽金華范景淳夙木圖

金華范氏忠孝門天道福善生賢孫若云父母壽不永
三復伊蒿如事存結廬門秋復春悲風拱木偏愁人弱
枝凌空根入土根犹父母枝犹身亦雖欲靜風不止子
雖欲奉親不俟由來大孝慕終身至祿虞舜美曾子公
年群試銓曹史回首鄉閭二十里盡得墓門夙木圖此

作座銘懸旅邸風吹宛似聲号呼木身未著涕泪枯木
目之所至思所起百步一日心無殊名公甘棠武侯柏
惠澤在人、尚惜晚節移忠顯令名報取劬勞恩罔極

方寸鉄為盧仲章賦

方寸鉄百鍊剛吹毛劍鋒秋水先鑄勒妙儼竹房倒
薤文連環鈕通侯壘、懸時後伏龜趺蟠螭首頌德紀
功垂不朽鉄名已著霜滿顛復得鉄業傳二雅勿剋元
祐堂勿刺冷痴符何如往補石徑缺万古六書存楷模
天下英耄知所趨伊誰之力丹立廬

董紀 字良史

短歌行

山鳥日喚提壺勸君酒
盡更須沽千金五花不足惜
莫計囊中錢有無人生百
幾几時好大是愁多歡樂少
朝見問花暮落花昨日朱顏
今日老為君起舞為君歌
當年不樂奈老何

紀夢

夢中挾飛仙與我肩
相倚手持綠玉杖腳踏青雲梯
彈指大門開天家難久稽
培塿視三山九州一丸泥
蓬萊

自清淺海水忽流西
金鷄半夜出又向扶桑啼

張樞 字夢辰

生日自責

西有濯錦江東有白滾湯
南有樹 酒北有地種羊
我生四維中曾無一線長
仁獸乃騶虞瑞鳥為鳳凰
帝解音律火鳥識具止
老我嗜書文膏室文章
至德不暖席美知亦賣漿
飯牛百里奚誣金同舍郎
我何如一隔鞋走費籌量
緹縈小女子有策陳未央
姬齡甫髫髻亂對言如珪璋
退耕刀不任進弁心未遑
我髮日種

我生日茫、頽然六十翁。字寅鬚眉蒼，一子峭孤立。力
穡不救荒，三弟各奮飛。食祿天一方，今年耳重聽。兩眼
無重光，長笑却秦兵。大哭救楚王，少不同鶚。荐老無事
鷹揚，今日屈初度。妻子且壺觴，坐我方惻然。置身桃李
傍，着核雜前陳。旨酒勿頽堂，聽我心中鮮。援琴彈忼慨
父母生我時，艰險且傍徨。三日不尋食，俾整棺衣裳。皇
天与后土，安載德汪洋。展墓渺何許，望、白雲鄉。惟有
罔極恩，九死不足償。妻兒悉我意，嗒然摧肝腸。請從事
斯語，沒身不可忘。

高啟 字季迪 平江人

明妃曲

都門塵拂春風向，臨別看花泪如霰。君王惆悵惜蛾眉，
不似前時。鏡中見白髮，呼韓嘆漠思。寧胡漫号閼支尊，
羶裘肉食本异俗。不如但嫁巫山村，黃沙漠、無城關。
指冷鷓鴣，夜彈歌相隨。万里到穹庐，只有長門旧時月。
妾語还憑婦使傳，妾身沒虜不須怜。願君勿殺毛延寿，
留尽商岩夢裡美。

秋江曲 送頽碎之江北

秋江月滿秋潮大江上行人待潮過別離休說渡江難
半日順風船穩坐楚鄉茫葭茨平使君來時雉鳴
子弟從軍渡江去几時猶在夕陽城水田雖荒飲常足
黃米夜春三十斛誰道繁華不及前戶無征稅官無獄
渡江渡江君莫留北江樂似南江秋

劉原俊 字用章汝儀人

過款風台

六國無人祖危死布衣提劍山東起八年置酒未央宮
千載猶思渡田里風飛雷厲來咸陽錦衣其如歸故鄉

登台作歌醉眼白俛視四海諸侯王寂寞河邊一丘土
烟樹蒼茫接齊魯行人何必重傷心世事回頭今古

安將軍歌

安將軍紫鬚鉄面多戰勛猛氣散作西山雲前年紅中
入城府赤子滿城誰父母將軍血戰城東門五百健兒
齊奮勇更有大郎猛于虜身屬秦鞬宝刀舞打馬奪橋
入賊塢殺尽 作河边土將軍父子真有功今日彈如
笔尽空將軍功豈不好弁山入雲青不了

朱堂 字肯堂

山翁有老婢，凶戾嫁窮黎。十千質之歸，用以司農炊。醜
惡固不論，病疇殊非宜。指揮失西東，百喚不一知。主母
大叫呶，焉用廢婢為？回頭謝母翁，聽婢前致辭。婢也病
不聰，婢也誠非痴。世情惡察，偏聽生奸欺。希生入幕
賓，卧王允之紛。墻壁間屬耳于私，人殷床驚燈。聞
渡水，笑狐疑。作勞暮夜鳴，鞋纏左右規。凡此非婢病，婢
病良可医。奔趨及語言，所恨見事遲。口耳且順從，手足
可運持。幸毋床迫驅，假以寬。緩期犹堪備，洒掃或可貸。
鞭笞况在蒙，莊書六聞老。册師五音令，耳牽六鑿使。性

移不痴，亦不奪。叙室能無疾，有耳六足喜，無耳六足悲。
此病何足惜，此理端可推。翁母聞婢言，失笑亦解頰。勿
輕奪，婢痴更謂奪。婢奇明年社日來，乞酒為尔治。

万權 字仲衡

兄入甕

來後臣與周，具對食。問因不服當，何如宜。置炭
熾，甕人居其中。無不服，後臣出因狀。曰請兄入

甕尾

炭山高，赤如血。炙天，欲然燎地。欲裂火，鴉亂飛。鉄

獲執請君投箸坐甕中髀骨焦枯自為孽
鼯鼠捕狸鼠
竭枝蛛絲羅螫蛛先滅甕中人嶺南別

毋提刀

僕固怀恩謀叛不朝歸白其母、提刀欲殺而
止之

毋提刀注且教臣當死忠子當死孝天王待汝恩不薄
食邑大寧須紫誥兩席爭百獸笑我欲為國除殘跡剗
尔心謝三軍斷尔頭告七庙嗚呼賊子何煩老吾老

釋仁升 字象原

関山月

白楊風蕭、胡笳楼上發壯士不知还羞对関山月本
年天山歸皎、始白骨今年交河成明、凋華髮交河
水東流征戰何時歇斗酒皆楚歌、罷泪成血

沈禮

字原礼

題蘓小小墓

歌声引迴波舞衣散秋影斷夢別青樓千秋香骨冷青
鏡銅破双飛鸞飢烏弔月啼鈎攔風吹碧火、不滅山
妖哭入狐狸穴西陵墓下錢塘潮、来潮去復朝 墓

前楊柳不堪折春風自館同心結
釋行方字行紀嘉定人

頌玉山草堂席上寓興

春暉樓頭 寂早主人宴客情更好
万斛蒲萄瀉綠波
一色耀瓊 芳草捲簾山色何冥冥
吳大半掃蛾眉青
亂雲忽起倒巖白野狐啼烟道路黑
海風吹雨蛟龍腥
短歌長吁傷我情
門前溪水声冷冷

董佐才

青藜杖

北斗城頭風露涼
閣名天祿鄰未央
郊金之子較書倦
嘿思周孔差義皇
黃衣老人叩門進
青藜杖端吹火光
光如崑山烛
危焰几席炯
鬚眉蒼共談
來今及往古
義理元奧詳
精詳自非神
哦功頃間
經籍至道
論微茫
太壽灵寿漫
榮冠葛陂
危竹徒荒唐
豈如天上有
太乙
能使人間
文運昌
雖云過
眉尺度短
扶持至教
千年長
當代人才
亦豈少
好者更
生居玉堂

俞鎬 字孟京雲間人

擬古四首

李白一斗酒慷慨詩百篇一時縱豪放意氣凌青天
皇帝降輦迎天下稱其美悠々千載下此道非不傳

其二

漢祖雲夢遊當時曷為意執信繫之歸封以淮陽地一
為陳豨謀功業已遠志悻為煩至憂忠良勿宜廢

其三

昭侯愛敬襄勿賞後笑嘯孔明誅馬謖克意在經綸一
以待有功一以示無親賞罰苟不濫大業崇千秋

其四

魏紀未云久司馬懷其墓骨肉復相殘敵人遂豎起中
有慕容氏岷然乘間起夜轍勿復踏鑿之在青史

頌或字孔文

塞上曲

燕山蒼々塞上紫雪花如沙月如水穹庐酒炙貂裘温
匈奴角声全部起將軍弯弓髮指冠指麾馬蝟心不寒
士卒並持蘓武節酋魁莫作李陵看

刈菅

刈菅種冬葵々生菅亦生再刈葵必傷置之菅復榮地

力既已竭灌溉亦非輕終焉同莽草何以慰我情刈菅
當刈根始謀在深耕

余詮 字古平撫州人

春夢軒

池青草色暖蝶曉花枝滿花滿復花稀春歸蝶亦歸蝶
歸春香、春夢何時曉推枕看東風凡人春夢中

表凱 字景文松江人

蚊

群蛇戰、方聞爭蝦蟆蝼蛄相和鳴百足之蟲行無聲

毒氣着人昏不醒蚊蚋雖微亦縱橫隱然如雷吁可驚
東方日色苦未明老夫閉門不敢行

吳哲 字子愚号淡雲野人莘亭人

題西省綠王繼善望雲閣時親居錢塘

綠郎思親仍好奇野服矯首天之涯白云何處是親舍
吳越山机獲黛眉當時釣游在親側縱逐雲風上京國
一為微名歸不得兄弟無人憫顏色漫把美牆擬白雪
白雲散散愁絲任九江秋早祿田熟負米趨庭手自饋

過裡洋河

裡洋河、傷、奔流百折到流岡砂磯、裡河長船
頭照見落日黃愁雲抵沒雙鳧翔稿鳥孤征西徬徨遙
空半作明月光涼風忽來吹我裳荻花夜白含清霜裡
洋河思故鄉

雪夜有懷范玉崖叔中朱滄洲孟辨作

江南地薄雪併寒綠江矮星茅復單折新束溫室燎眼
春陽不暖先生槃西家利酤常苦酸東家壚頭量子寬
山公八斗烏足醉少頃暫解双眉攢門前柳花飛作團
瑤甲珠樹生瀾千卸杖僵卧竟不起對此欲賦誰同懽

南州俊髦陸與韓踪進悞刷凌雲翰雋才阮生急一官
肉眼不肯空曹瞞滄洲渺弥玉崖嶺屹二仙者流同余
肺肝進直任公釣退肩淮王丹宗儒倡道富文孝妙幹
造化歸毫端乃謂宣尼顏子不死二易事忍見後天
日月凋双丸今夕復何夕三山皆白鸞我欲邀二仙受
簡發汗漫仙兮素愛我御風諒非難戒兒預沽酒一石
此醉要吸六合萬頃冰壺乾

寄閩中兄子昭

日落咸池西迴光麗出崕陽精有時下死艸生春黃鳳

羽亦翔集鳥咏相和諧修名在早既君子憫中怀

其二

有客叩我門手送閩中書我怀相感發憤樂在須臾征
途問生死加餐安起居樂只父母心富貴將何如

王逢

題曹煥章松筠軒

煥章號采芝生雲間人事親孝好博古雅善書
畫過其所居松筠軒時煥章謝病却掃晏如也

壬子夏因哭母喪明作詩以贈

蒼髯之官直節君曹生落日與群丘園傲兀歲寒月
几簞颯沓陰涼雲天風冷然露清洒山人曾來坐其下
谷水秋高一鶴飛門前過盡黃塵馬

大雅集卷四目錄

張以寧

蛾眉亭

孫莘

夕陽

倪瓚

送李徵士過荆溪訪王司丞

送李徵君還揚州

錢壁

贈瑞雲林上人

鄭基

擬梁簡文五七言體送錢文彬左丞奉

召還京

李焯

和友人過西郊韻

釋萬全

趙千里田家四季圖

釋觀通

壺中花

周砥

吳越兩山亭

王逢

題顏仁守竹石圖

題俞東岡六有圖

蘇大年

題萱花圖為顏善菴賦

曹睿

贈顏守仁

賈閻

述懷

葉杞

感表

董佐才

題華亭朱孟辨篆家詩卷

王逢

沈一中為風露琴先寄是詩期過寂間園夜宿

淵明把菊圖為居生導詛題

大雅集卷之四

元 天台賴 良善卿編輯

張以寧 字志道 潤人

蛾眉亭

碧酒瓊玉瓶 拙酌蛾眉亭 不見李太白 但見三山青 秋色淮上來 蕭然滿雲汀 安得五十絃 彈與蛟虯聽

孫華 字元寔

夕陽

夕陽挂紅鼓 強半浸綠水 斯頊日漸下 堆阜參差起 老

夫岸中坐併入圖畫裡新，無停机擬議已非是人間
希濶事終有變滅理如何曠士怀春，不能已

倪瓚 字元鎮号雲林子昆陵人

送李徵士過荆溪訪王司丞

何處尋狂客故人王子猷花落庭前樹風吹溪上舟紫
筍生春雨綠蘋滿芳洲心隨酒船發悵望不能休

送李徵君还揚州

二月桃始花淮南客还家階前疎雨落堂上春衣薄為
言沈約在吳中玉壺青綠酒如空春風相過蕙草綠芳

菲滿堂樂未終

錢璧 字伯全華亭人

贈瑞雲林上人

英，谷口雲鬢，溪上林形影偶相值去留渡何心握
笔攬秋思倚窓延夕陽誰云市朝遠六足慰幽尋

鄭基 字本初三山人

擬梁簡文五七言体送錢文彬左丞奉 召还京

將軍功益世揚威淨海隅蛇矛蒙後騎帟衛從前驅三
門開地甲八陣轉天衢銳鼓潮頭響竿旗日下趨飛梯

揖暗島今壁示宏圖
降醜尋封奏帝庭
奎書啣鳳落青
冥丹台伏波歸闕下
南荒銅柱已鐫銘
駢之返駟馬黃
河春始融輕風流碧塞
晴日炫彫弓柳折秦山麗
水消泗水流錦鶻窺長板
白雁壓春空黃封將法酒
羽檄侯元戎鱗間圖形已
預知更應設帳會瑤池
夕欽花光歌吹歌御帖重
頌紀宴詩

李在字象賢寧海人

和友人過西郊韻

爍原曉蕭曠杖藜荒迳微
川迴衆鷗集天清孤鶴歸
寒

烟蔓艸密積雨豆苗稀
臨流擬結梅息鞅振塵衣

釋万全字西白吳郡人

趙千里田家四季圖

桃花浪已深楊柳風猶弱
鄰曲欣往來逢迎勸耕作
犍犢不自暇老農良有托
共醉社日尊陶然得真樂

其二

蚕事方告成鳴蜩有新聲
揀秧雨初過治草日不停
雜坐高樹陰解衣午風清
作勞時自逸孰謂非常情

其三

湛、露華白蕭、楓葉殷黃雲已半欽玉粒終不慳官
賦戒早輸農家期暫閒酒熟互招飲只在鄰里間

其四

欣逢大有年因積庶稍盈滌場已十月朋酒邀諸翁處
處歌擊壤照、詠豈夙兒孫自生長樂與堯民同

釋規通 字希遠 宜興人

壺中花

愛此荷花紅天然非雕飾披、妍全姿停、映清湜風
引荀陳香露含珊瑚色置之白玉壺光輝滿瑤席

周砥 字復道

吳越 兩山亭

西山夾江水孤舟橫翠微吳雲與趙鳥千古不停飛風
崖洒松瀑月聲舞羅衣王氣未消歌霸圖今是非長歌
一盃酒掃席延清暉

王逢

題顏仁守竹石圖

廣文窮益堅竹石硯池出勢却虞人旌籟隱伶倫律謂
川春暗雨淇園寒落日鳳深蒼梧雲茅簷花復屋

題俞東岡六有圖

隱居古善人中
幾稅塵鞅座陳六經傳
榻揭六有榜候
若上帝臨于焉
岱宗仰所矚
貴循度瞬息戒
岡賓師
高比擁兒孫
蚌珠朗將見一家
孝鄉術春法
盡世方驚
虛遠倍復甍
浮獎不圖窺
橫渠藟航排
風上予嗟
清流
輦既掉八厨
党何塔名教
向浩然拙
还往月林
吐疎影
溪屿臻瀨
乘良親非
後逢明酒
置犧象

蘓大年 字昌齡 廣陵人

題萱花岡為賴善菴賦

亭、萱草花
茂晚顏色好
與言北堂陰
樹之可怡老
懷
歸、未能遊
于悲遠道
披岡歌白雲
天末飛鴻杳

曹睿 字新民 永嘉人

贈顏守仁

吾友夢谷生
其人美如玉
平生鉄石心
剛介不可奪
寧
甘守陽負
亦冥在空谷
懷哉能几見
高風流激俗

賈閻 字兼善 會稽人

述懷

流光何駸駸
瞬息不我待
憶從越山來
忽復廿餘載
羈

栖迫隘艰形容為之改世澤嗟僅延生涯念何在冰霜
戛云暮 瑞際滄海積陰韜日月矯首重興慨願效商
顏翁歌芝採

葉杞 字南有号倚南京口人

感表

貞賦通重諱耕桑被九垓歎驚氛稷滿不謂戔時催丞
相與師出倫音降使開紫泥封五采黃道統三台燁
宣光業桓李部才陣雲連翔野廟略定夙埃香糯江
南餉蒲萄隄右醅群馬金臣毳帳雪毡魏劍動彭城

潰珠还甍社耒長驅危破竹密令疾銜枚王者征無戰
群雄勢歛摧忽開君命多竟勒將旗回中夏捐鷄肋清
朝隱鶴常義聲從此逝銳氣一時灰天迥威孤弛城孤
尽角哀火狐翻嘯聚海鯨復喧颺款附真遺患除封寔
戲孩民情耽耿惻天討尚徘徊夏憤飛神輿愴曠映洎
思哀衣徒倚注肉食自与台河漢明如洗崑崙豈易頽
孰務黃鵠志差上野鷹台微效寧無念篇詩信漫裁霜
晴野空濶独立望蓬萊

董佐才

題華亭朱孟辨篆家詩卷

古初無毫褚義，何由傳孰知。文字理已具，河圖前神農。泊蒼頡，俛仰極人天。隸書與鳥書，創制分後先。龜疇錫禹時，盤銘著湯年。岐陽紀石鼓，史籀稱狹矣。矯首蛟虺蟠，鬱若鎖鈕連。蝌蚪率行漆，形体因自然。一從孔壁廢，重為經籍憐。秦相約編古，撰次蒼頡篇。小篆遂名家，勁健含姿妍。登封及詛神，金石系凋鐫。下逮隸，分人變化如烟雲。漢經煨燼餘，文教仍敷宣。保民存六書，季彊纓九十楊。雄纂奇字杜林解，深研繼踵非無人。意氣莫

不全偉哉許，祭酒蒐羅歸簡篇。墜緒賴渡幸，後季知相沁陽冰。克遠招鉅錯，造其玄近代。郭與周，筆勢回奔川。華亭朱茂才，好古喜欲顛。一掃世俗書，習篆忘食眠。秦望并之界，碧落垂新泉。小者案間列，大者屋壁懸。平生囊橐素，多立買碑錢。切深季既精，函壯志益堅。池魚染皆黑，鉄硯磨將穿。摹榻累万番，期差古人肩。師法正在茲，什襲比蹄筌。孫樵文自祭，智永筆忍捐。前脩不我欺，我痛尤難痊。峩峩細林山，上与浮雲連。譬彼汲家書，函之怪其顛。叙土對石堂，刺若表為旂。其陽碧樹交，其陰

書帶綠山灵謹訶護有名如有仙揮洒人間者顯晦名
非偏宝釧賈胡發玉柙蔓華煌如何篆家光夜、映星
躔

王逢

沈一中請友為修秋堂風露琴先寄是詩期遇寂
相園夜宿

一日佳尾晚十年孤鳳暗忻遭運斤手妙得斲輪心
溪館茗烟薄石床蘿月深携之肯枉顧傾耳陽春音

淵明把菊圖為居生遵詛題

解官賦歸田把菊秋風前顧問劉寄奴何如傳延年

大雅集卷之四終

大雅集卷五目錄

孫莘

至順改元季夏大雨幾月

召命因赴省以老母夜至嘉禾驛

張憲

次許廷佐見喜樓寺韻

黃璋

遣興二首

徐孝基

寧海道中早行

劉孺

送朱自明調閩憲掾

釋宗衍

吳江晚泊

秀州東郭舟中

釋元本

東許廷佐

歸懷

程煜

過太湖

揚基

夏夜有懷

邵思文

簡報國寺僧清遠

湖江亭

梁天祐

遣懷

董章

輓邁里古思

次友人韻

許弼

涼雨

魯淵

題馬文壁秋山圖

俞俊

歎息

沈欽

寄劉小齋

張樞

得拱辰弟詩次韻寄安慶建寧二弟作

釋元濤

重九

顧天祿

夜泊二首

釋靜慧

寄梅雪朱隱居

顧或

客夜

賈閻

和年弟聞人樞京城雜詩

雪

春雨

吳哲

和上藍寺和錨公輔

贈盛本初居易齋卷

葉杞

幽懷

陸燾

野晴

大雅集卷五目錄

大雅集卷之五

元 天台賴 良善卿編輯

孫華

至順改元季夏大雨幾月三月不雨

雨欲沉三版天應隔万重元年書大水二月變宥冬消

長関時宰艰危泣老農蛟危母太橫于尔卜豐凶

台命同赴省以老母夜至嘉禾驛

步晚離家吞更深上水船犬鳴营柝外漁唱驛灯前遠

後関慈母孤忠仗老天極知朱飯貴無奈彩衣妍

其二
漢使徵求急，蒲輿定省頻。
小人猶有母，率土莫非臣。
戔
儉盤炊玉，家貧酒泛銀。
自綠髮鶴髮，豈敢送危鱗。

張憲

字思廉，号玉筍，生金藉人。

次許廷佐見喜樓寺韻

高樓名喜見，遠客獨傷心。
鞍馬思劉備，衣冠惜華歆。
曙光浮海澗，秋色到江深。
送日闌干久，冥鴻入窅沉。

黃璋

字仲珩，華亭人。

遣興

滿目烽烟在，經春血泪垂。
素無投笔志，空有掛冠思。
江
德真能仕，陶潛托賦詩。
独餘心炯炯，静夜月塵知。

其二

牢落悲生計，艰难嘆索居。
女兒皆寄食，兒女久無書。
井
邑兵戈滿，郊園瓦礫餘。
傷心春雨過，農事定何如。

徐孝基

字玄本

寧海道中早行

中戔事行役，勞生卒未休。
天星垂野白，遠水際天浮。
土
借魚鹽富民居，摘袖稠何年。
謝塵鞅，歸卧此林丘。

劉壻字小齋江陰人

送來自明調閩憲掾

昭代急才美君今南妙年閩中烏府客江上米家船美
化移雷借晴風欽瘴烟好尋京兆老珍重玉堂仙

釋宗衍字道原吳郡人

吳江晚泊

風壤三州接江湖一水分虹消滄海雨日落洞庭客
思終難盡漁歌寔飽聞長思陸魯望不出可忘君

秀州東部舟中

自在眠沙鳥參差入部舟山林吾計拙天地此身浮曉
氣成雲住晴波雜霧流攬衣疑厚薄十月暖如春

釋元本字立中

東許廷佐

近聞新出處水北古招提鷓鴣凌塵出驛駒顧主嘶失
弓還向楚袍瑟漫過齊道上將軍樹詩篇莫浪題

歸懷

憶昔兵戈際艱々覲省歸庭闈歡進酒第任戲章衣惹
竹春陰合萱花夕露微即今懷父壻祭掃久相逢

程煜字彥明維揚人
詩音過太湖

擊楫中流去西風客思催地吞南極尽波撼北冥迴蛟
館懸秋月危宮起夜雷濯纓入不見長嘯倒金壘

揚基

夏夜有怀

重露澄春色輕風生夜凉碧看湖州乱红爰渚蓮香有
弟徒相憶何人不异御悲箱在城上双泪落衣裳

又

西月離東井黃雲近紫薇秦州今日乱漢使几時歸故
旧皆朱後風塵只素衣流萤念孤寡相始入徠帟

却思文字彥文

简报国寺僧清遠

闻說招提境空山紫翠中法王新象馭天子舊危宮爰
酒慙陶令能詩憶遠公欲尋方丈室相續晋夷風

浙江亭

極目錢塘上千山列画屏雨晴江樹碧潮落海門青对
景悲王導移家憶管寧臨風一惆悵沽酒慰飄零

梁天祐 字祐之華亭人
遺懷

四十今年是亂離生百憂身居南海上家在北山頭
對酒心先醉看花泪欲流時危賴支遁禪榻重淹留

董章子士明四明人

輓迈里古思

大夫寧制虜元帥寧容文白髮難忘母丹心只為君
席狼千里戰吳越半江分落日孤城在忠良死後聞

次友人韻

唐室何多難詩愁杜拾遺皇天終厭亂至德本無虧
自比當年事空懷故國悲一般思弟妹不在漢鍾離

許弼 字廷佐黃岩人

涼雨

火雲將晚滅涼雨忽西來天地秋先到江湖客未回
思家室有泪憂國豈無才万里関山道誰怜庾信哀

魯淵 字道原曲阜人前進士

題馬文壁秋山圖

館野空山裡林泉象外迷淡雲初霽雨紅葉早經秋
路

轉山藏屋橋 岼倚舟直宜入境吳便欲向丹丘宜當作疑

俞俊 字子俊号雲東華亭人

歎息

百年同轉燭五十始知非老病侵腰膂浮名若馬羸
門羅可設久雨客还稀室羨北堂燕翻、傍母依

沈欽 字欽非

寄刘小斋

村迥葉落赤江空寒日黃野鴉随处宿官柳自成行無
路歸秦客逢人問楚狂長歌一回首悽惻向滄茫

張樞

得拱辰弟詩次韵寄安慶建寧二弟作

三弟一書歸任年万事遠舟移安慶雨雲作建寧衣老
去知心少春还見面稀閑愁無著处閑遍野蒿薇

釋元澗 字天鏡雲間人

重九二首

舊日重陽節惟尋曲水春忽經時到眼但覺老隨人白
髮雖多難黃花不厭貧登高本無意踪跡媿紅塵

其二

故旧俱沦丧，人情轉寂寥。
驅馳逢九日，牢落是今朝。
把菊難為醉，裡莫與自消。
江鄉無賴風雨暗，蕭蕭。

顧天祿 字謹中

夜泊二首

海近潮初上，江清天倒流。
故鄉頻入夢，此地獨維舟。
落雁沉霜鏡，潛魚避月鉤。
不眠催早發，歷歷數更籌。

其二

城郭還依旧，人民似昔非。
故鄉南去遠，奉使北來稀。
水落波聲小，天空月色微。
客舟隨處宿，浪跡几時歸。

釋靜慧

字古民

寄梅雪朱隱居

何處風篁好，漁莊路非遙。
水光清暑葦，花影赤欄杆。
坐客分詩卷，鄰姬浣酒沽。
離懷無可贈，春夢過蘭苕。

顧或

客夜

露下碧梧白，風生玉籟幽。
關河今夜客，天地十年秋。
鼓角悲新鬼，衣冠憶旧遊。
都将周顛泪，洒遍黑貂裘。

賈問 字

和年弟聞人樞京城雜詩

鳳詔須初罷花陰轉玉墀
藍梅調鼎餽絲竹奏咸池
風靜爐烟直雪開扇影移
紫微花下客爭賦奪袍詩

其二

山勢北來遠河流東去長
天堦羅帟暎帝室降危祥
石鼓苔痕碧金盤露氣涼
慚無董賈策三伏獻明光

其三

落魄南州士看花媿不先
來承金馬詔及見玉堂仙
日月開雙闕星河麗九天
鳴珂帝近身惹御爐烟

其四

霄漢樓台湧春風燕雀飛
樓桃臣旧賜苜蓿馬新肥
清漏傳銀箭紅雲護袞衣
窮徑晚進士慚授一官歸

雪

朔風吹破屋曙雪下續絲
六合渾清氣千山尽白雲
老蛟深閉壑拙雁遠呼群
想像西湖路梅花瘦几分

春雨

曉雨連山白春雲壓地阴
叢篁栖雀乱芳竹落花深水
潤西江眼天長北闕心
孤桐闲在壁忍搯越南音

吳哲

和上藍寺和鑑公輔

遠俗依蘭若清心愛竹房
淨携蒼玉珮高卧白雲鄉
近坐天花密開函貝葉香
方庭涼月上隨意據胡床

贈盛本初居易齋卷

自尔驅馳懶却知
踐履深風雲難强会
箕穎亦何心
層層齊門瑟悠々
梁父吟周行信如砥
吾道孰銷沉

葉杞

幽懷

李子長遊日張翰早見機
秋菹侑魚飯霜葉滿貂裘
詭遇遭時寵才高與世違
予生傷往事甘老故山薇

陸燾

字子臨四明人

野晴

雁影鄉書外江聲客思中
野晴秋獲竟村遠晚炊同
松挂如違約文辭任懶攻
蕭々吹鬢雪又見荻花風

大雅集卷之五終



